

太平寰宇記

第五冊

太平軍字記

五

五

五

太平寰宇記卷之十五

河南道十五

徐州

利國監

徐州

徐州

彭城郡今理彭城縣

古大彭氏國地則青兗之域星分房

宿四度按周之九州青州得沂山及沂泗淮三水
兗州得大野無復徐州矣今州卽宋之分也左傳
謂鄭楚取宋彭城是爲宋邑六國時屬楚秦併天
下以彭城屬泗水郡項羽自號爲西楚霸王建都
于此漢改泗水爲沛郡又分沛郡立楚國復置徐

州宣帝地節元年更爲彭城郡後漢及晉爲彭城國宋元嘉中王玄謨上表以六郡人民三十萬戶獲安于東南實以此爲重鎮後陷後魏復置徐州兼立東南道行臺又輿地記云郡城由來非攻所能拔言其險固也按十道志云自南北朝彭城爲要害之地隋鑿御河以來南控埤橋以扼梁泗歷古名鎮莫重于斯後周立總管府大將王軌破陳軍于呂梁擒吳明徹悉虜其眾隋初罷總管大業三年改爲彭城郡唐武德四年平王世充復置徐州總管府管徐州泗鄆沂仁六州徐州領彭城蕭

沛豐滕符離諸陽七縣貞觀元年廢諸陽入符離
二年省鄆邳二州仍以譙州來屬七年以沂州入
海州都督八年廢仁州入譙州其徐州都督管徐
泗譙三州十七年罷都督府以廢譙州之蘄縣來
屬天寶元年改徐州爲彭城郡乾元元年復爲徐
州至皇朝爲武寧軍節度

元領縣七

今五

彭城 沛縣 滕縣 蕭縣 豐縣

二縣割出

下邳

置淮陽軍

宿遷

入淮陽軍

州境

東西二百八十五里 南北二百二十五里

四至八到

西至東京七百里

西至西京一千二百二十里

西至長安二千八十里

東至海州三百六十一里

南至宿州一百四十里

西至宋州三百六十里

北至兗州三百里

東南至泗州四百六十里
西南至亳州三百九十里
西北至單州三百七十里
東北至沂州三百五十里

戶

唐開元戶四萬六千七百
皇朝管戶主一萬六千八百四十六客一萬七千
五百八十

風俗

風俗好尚與鄒魯同無林澤之饒俗廣義愛親趨

禮樂好敦行地理志謂沛楚之言多楚音又云沛
楚之樸直舒徐

姓氏

彭城郡六姓 劉 袁 曹 到 徐 巢

沛郡三姓 朱 張 周

蘭陵郡一姓 蕭

人物

蕭何 豐人相高祖封鄼侯 曹參 沛人破秦佐漢累功封平陽侯 王陵 沛人

漢高微時兄事之後以兵屬高祖 季布 夏侯 封安國侯力爭呂后之立諸呂

嬰 叔孫通 周昌 樊噲 沛人起自屠狗後佐漢滅項封舞陽侯

周勃

沛人封

申屠嘉

梁人拜丞相

劉韶

兩龔

彭城廉里人勝字君賓舍字君倩

周亞夫

勃次子

韋孟

彭城人爲

丁寬

梁人讀易善

劉向

本名更生彭城人校

劉平

彭城人奉母避

食遇賊將烹之平乞歸養乃就烹果如期往賊

姜肱

彭城人與二弟共被臥起以季友

張昭

彭城

人

丁儀

字正禮

宋有朱齡石

到彥之

唐

劉禹錫

字夢得

劉知幾

字子元彭城人

土產

禹貢謂浮磬孤桐蠙珠暨魚今蠙珠已絕浮磬時

有歲貢五色土各一斗 何首烏

彭城縣

舊十八鄉
今六鄉

古之大彭國地楚懷王自盱眙徙

都于此後項羽徙懷王于郴自都之漢爲縣屬楚
國尋立徐州焉有鐵官今爲彭城縣按彭門記云
殷之賢臣彭祖顓頊之玄孫至殷末壽及七百六
十七歲今墓猶存故邑號大彭焉 百里嵩祠後
漢百里嵩字景公爲徐州刺史境內旱嵩行部甘
雨隨車唯東海兩縣僻在山間嵩不到無雨父老
請嵩入界卽雨至今有祠存焉 九里山元中記
云彭城北有九里山有穴潛通琅邪又通王屋俗

呼爲黃池穴郡國志云曹參井 泗水在縣東十
步周顯王四十三年九鼎淪沒于泗水秦始皇時
鼎氣浮于泗始皇自以爲德合三代大喜使數千
人沒水求之不獲謂之鼎伏 呂梁在縣東南五
十七里左傳楚子辛侵宋呂留杜注彭城呂縣也
漢爲呂縣宋武北征改爲壽張又十道志云泗水
呂縣積石爲梁莊子曰呂梁懸水三十仞魚鼈所
不能過今則不然又陳書曰將軍吳明徹以舟師
北伐破下邳進屯呂梁堰泗水灌徐州周烏桓軌
達奚長儒率兵來援軌取車輪數百連鎖貫之橫

斷水路然後募壯士夜決堰至明陳兵始覺潰亂
爭歸至連鎖之處生擒明徹 定國山在縣東四
里東魏武定五年慕容紹宗欲擊梁貞陽侯蕭明
營于此 州理城唐貞觀五年築其外城卽古大
彭國漢高帝定天下以爲楚國封弟交爲王東晉
封劉裕爲宋公至宋武帝以皇子義康爲彭城王
並都于此後宋平北將軍徐州刺史薛安都乃以
城歸魏也 竹邑續漢書郡國志云沛郡有竹邑
縣 廉里漢書龔勝居彭城之廉里 戲馬臺在
縣南三里項羽築戲馬臺于此宋武北征至彭城

遣長史王虞等立第舍于項羽戲馬臺起齊作閣
橋渡池重九日公引賓佐登此臺會將佐百僚賦
詩以觀志作者百餘人獨謝靈運詩最工曰季秋
邊朔苦旅鴈違霜雪淒淒陽卉腴皎皎寒潭潔良
辰感聖心靈旗興暮節鳴笳戾朱宮蘭卮獻時哲
餞宴光有孚和樂隆所缺云云宋于臺上置寺

赭土山在縣北三十五里尙書禹貢徐州厥貢惟
土五色漢書郊祀志云王莽使徐州歲貢五色土
卽此山也 彭城山在縣東北六十里上有黃石
公廟漢書張良得圯上老父書曰後十三年濟北

穀城山黃石卽我也 茱萸山在縣東北八十五

里俗傳採藥山魏地形志曰呂縣有茱萸山出茱

萸麥門冬本草山茱萸出東海承縣此山昔隸承

縣 垞城在縣北三十里北面臨泗水輿地志云

垞城古嵩國兗州人謂實中城曰垞直加切城西南

有嵩侯虎廟 呂梁城在縣東五十里按左氏傳

云楚子辛侵宋呂留杜注呂留二縣今屬彭城郡

城臨泗水高百四十尺周十七里此城東二里有

三城一在水南一在水潭中一在水北並高齊所

築立鎮以防陳寇 寒山堰在縣東南一十八里

梁蕭明伐魏堰清水以灌彭城 呂布城在縣東
南五十里按魏地形志呂布自下邳與曹操相持
築城于此 雍門城在縣東南五十里按桓譚新
論云雍門周彈琴見孟嘗君 石佛井在縣南四
里石佛山頂方一丈二尺深三里自然液水雖雨
旱無增減或云飲之愈疾時有雲氣出其中去地
七百餘尺 王仲德墓在縣北四十一里苻堅亂
兄弟同起兵關中爲慕容垂所攻水暴至不知所
向忽有白狼來向仲德號因從之渡獲免又爲丁
零翟遼所敗單馬南歸夜行邱澤常有炬火引路

後爲宋高祖佐命位至徐州刺史因立白狼祠于
彭城祀之 桓魋墓在縣北二十七里水經云泗
水南經宋大夫桓魋冢西枕泗水鑿石爲冢郭緣
生述征記槲隱鏤金爲龜龍麟鳳之象石門扇石
墓堂猶存 龔勝墓在縣東南三里按前漢書龔
勝楚人居彭城王莽篡位遣璽書安車奉迎勝稱
疾不起閉目十四日而死魏地形志彭城有龔勝
墓石碣猶存至今禁芻牧 樊噲墓在縣北五十
九里按漢書樊噲沛人封舞陽侯 漢高祖廟在
縣東南六里臨泗水 彭祖廟魏神龜二年刺史

王延明移于子城東北樓下俗呼爲彭祖樓

沛縣

西一百四十里舊

郡國志云古偃陽國地漢爲

縣屬泗水郡蓋取史記齊景公畋于沛又許由隱

于沛澤皆其地因立邑名漢又改泗水爲沛郡理

相城以此爲小沛魏分立譙郡又以沛爲王國晉

不改宋爲沛郡改屬徐州隋又罷郡縣屬仍舊唐

武德四年天下平寧復移沛邑于此正漢邑名也

泗水西北流入東去縣五十步 泡水在縣西

一百五十步卽豐水也 縣理城卽秦沛縣城初

陳涉起兵沛令欲以沛應之乃令樊噲召高祖沛